



Broj: 02-05-7100-25.2/12
Sarajevo, 22.03.2012. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), čl. 2, 3. i 10. Odluke o osnivanju skupština kantonalnih javnih preduzeća čiji je osnivač Kanton Sarajevo ("Službene novine Kantona Sarajevo", br: 25/09 i 22/11) i Odluke o usklađivanju statusa Javnog preduzeća „Televizija Kantona Sarajevo“ sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", br: 33/05, 30/08, 25/09, 22/11 i 3/12), Vlada Kantona Sarajevo, na **61.** sjednici održanoj **22.03.2012.** godine, donijela je sljedeći

ZAKLJUČAK

1. Daje se saglasnost na Prijedlog odluke o imenovanju vršioca dužnosti predsjednika Skupštine Javnog preduzeća „Televizija Kantona Sarajevo“ d.o.o. Sarajevo, kojom se Emir Vajzović imenuje na poziciju vršioca dužnosti predsjednika Skupštine.
2. Predlaže se Skupštini Kantona Sarajevo da, u skladu sa Poslovnikom Skupštine Kantona Sarajevo, donese Odluku iz tačke 1. ovog zaključka.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. JP „Televizija Kantona Sarajevo“ (putem Ministarstva pravde i uprave)
6. Imenovani (putem Ministarstva pravde i uprave)
7. Evidencija
8. A r h i v a



web: <http://vlada.ks.gov.ba>
e-mail: premijer@ks.gov.ba;
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. tačka b) Ustava Kantona Sarajevo ("Službene novine Kantona Sarajevo", broj 1/96, 2/96 – Ispravka, 3/96 – Ispravka, 16/97, 14/00, 4/01 i 28/04), člana 4. stav 2. Zakona o ministarskim, vladinim i drugim imenovanjima („Službene novine Federacije BiH“, br. 12/03 i 34/03), čl. 2, 3. i 10. Odluke o osnivanju skupština kantonalnih javnih preduzeća čiji je osnivač Kanton Sarajevo ("Službene novine Kantona Sarajevo", br. 25/09 i 22/11) i Odluke o usklađivanju statusa Javnog preduzeća „Televizija Kantona Sarajevo“ sa Zakonom o javnim preduzećima u Federaciji Bosne i Hercegovine ("Službene novine Kantona Sarajevo", broj 33/05, 30/08, 25/09, 22/11 i 3/12) na prijedlog Ministarstva pravde i uprave, uz saglasnost Vlade Kantona Sarajevo, Skupština Kantona Sarajevo na _____sjednici održanoj _____ 2012. godine, donosi

PRIJEDLOG

ODLUKU

o imenovanju vršioca dužnosti predsjednika Skupštine Javnog preduzeća „Televizija Kantona Sarajevo“ d.o.o. Sarajevo

I

Ovom odlukom imenuje se vršilac dužnosti predsjednika Skupštine Javnog preduzeća „Televizija Kantona Sarajevo“ d.o.o. Sarajevo (u daljnjem tekstu: Skupština preduzeća) i to: Emir Vajzović.

II

Vršilac dužnosti iz tačke I ove odluke imenuje se na period do konačnog imenovanja, a najduže do dva mjeseca.

III

Ova odluka stupa na snagu danom donošenja i objavit će se u "Službenim novinama Kantona Sarajevo".

**PREDSJEDAVAJUĆA
SKUPŠTINE KANTONA SARAJEVO**

Prof. dr. Mirjana Malić

O B R A Z L O Ž E N J E

I – PRAVNI OSNOV

Pravni osnov za donošenje ovih Odluka sadržan je u članu 18. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01 i 28/04), čl. 4. stav 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", br. 12/03 i 34/03), čl. 2, 3, 7. i 10. Odluke o osnivanju skupština javnih preduzeća čiji je osnivač Kanton Sarajevo („Službene novine Kantona Sarajevo“, broj 25/09, 22/11) i člana 163. Poslovnika o radu Skupštine Kantona Sarajevo („Službene novine Kantona Sarajevo“ broj 25/10 – Novi prečišćeni tekst, 14/11, 19/11 i 7/12).

II – RAZLOZI ZA DONOŠENJE

Odlukom o imenovanju predsjednika i članova Skupštine Javnog preduzeća „Televizija Kantona Sarajevo“ d.o.o broj: 01-05-355/12 od 09.01.2012. godine imenovani su :

1. Faruk Borić, predsjednik Skupštine,
2. Mehmed Selmanović, član Skupštine,
3. Mirza Zornić, član Skupštine,
4. Milan Sokolović, član Skupštine,
5. Murisa Zuko, član Skupštine.

Ova Odluka je objavljena u „Službenim novinama Kantona Sarajevo“, broj 1/12.

Dana 07.03.2012. godine predsjednik Skupštine preduzeća, gospodin Faruk Borić podnio je ostavku na ovu funkciju iz ličnih razloga.

Članom 10. Odluke o osnivanju skupština javnih preduzeća čiji je osnivač Kanton Sarajevo („Službene novine Kantona Sarajevo“, br. 25/09 i 22/11) propisano je da resorno ministarstvo do konačnog imenovanja skupština KJKP predlaže predsjednika i članove istih uz saglasnost Vlade Kantona Sarajevo, a njihovo imenovanje potvrđuje Skupština Kantona Sarajevo. Postupajući u skladu sa navedenim Ministarstvo pravde i uprave predlaže da ovu funkciju do konačne odluke o imenovanju obavlja gospodin Emir Vajzović.

Vlada Kantona Sarajevo je svojim Zaključcima dala saglasnosti na prijedloge Ministarstva pravde i uprave, te u skladu Poslovnikom o radu Skupštine Kantona Sarajevo predlaže Skupštini Kantona Sarajevo da razmotri i donese predložene Odluke.

PRILOZI

***Zakon o ministarskim, vladinim i drugim imenovanjima u Federaciji BiH
(„Službene novine Federacije BiH“, br: 12/03 i 34/03)***

Član 4. stav 2.

2.Nominacije/imenovanja za kraće razdoblje: ovo su nominacije ili imenovanja na najviše dva (2) mjeseca koja se ne mogu ponoviti i za koja ukupna naknada za cijelo razdoblje ne iznosi više od pet 5.000,00 KM.

ZAKON O VLADI KANTONA SARAJEVO

(„Službene novine Kantona Sarajevo“, broj: 24/03 – Prečišćeni tekst)

Član 22.

Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke.

Član 24. St.2.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

**Odluka o osnivanju skupština javnih preduzeća čiji je osnivač Kanton Sarajevo
(„Službene novine Kantona Sarajevo“, broj 25/09, 22/11)**

Član 2.

(Skupštine KJP)

(Kompilirani tekst)

(1)Svako KJP iz prethodnog člana ima skupštinu, koja se sastoji od predsjednika i **četiri** člana (u daljem tekstu: Skupština KJP).

(2)Mandat članova Skupštine KJP je dvije godine.

(3)Predsjednik i članovi Skupštine KJP imaju pravo na naknadu za svoj rad, koja se utvrđuje posebnom odlukom Vlade Kantona Sarajevo.

Član 3.

(Imenovanje predsjednika i članova Skupštine KJP)

(1)Imenovanje predsjednika i članova Skupštine KJP vrši se na način da iste, na prijedlog resornog ministarstva, uz saglasnost Vlade Kantona Sarajevo, potvrđuje Skupština Kantona Sarajevo.

Član 7.

(Razrješenje predsjednika i članova Skupština KJP)

Razrješenje predsjednika i članova Skupština KJP vrši se na način propisan u članu 3. ove Odluke , a proceduru razrješenja mogu pokrenuti resorni ministar, Vlada Kantona Sarajevo i Skupština Kantona Sarajevo.

Član 10.

(Imenovanje vršilaca dužnosti predsjednika i članova skupština KJP)

Do konačnog imenovanja skupština KJP, Skupština Kantona Sarajevo imenuje vršioce dužnosti predsjednika i članova skupština KJP, na način da iste, na prijedlog resornog ministarstva, uz saglasnost Vlade Kantona Sarajevo, potvrđuje Skupština Kantona Sarajevo.